



居士集卷第十三

歐陽文忠公集十二

詩五十五首

送鄭革先輩賜第南歸

一本注革以累舉年老恩賜出身

少年鄉譽歎才淹六十猶隨貢士函握手親朋驚白髮
還家間里看青衫閣涵空翠連衡阜門枕寒江落楚帆
試問塵埃勤斗祿何如琴酒老雲巖

和京父揚州六題

六一作五

時會堂二首

造貢茶所也

積雪猶封蒙頂樹驚雷未發建溪春中州地暖萌芽
早入貢宜先百物新

憶昔嘗修守臣職余嘗守揚州歲貢新茶先春自探兩旗開誰知白首來辭禁得與金鑿賜一括

自東門泛舟至竹西亭登崑丘入蒙谷戲題
春貢亭

崑丘蒙谷接新亭畫舸悠悠春水生欲覓揚州使君處但隨風際管絃聲

竹西亭

十里樓臺歌吹繁揚州無復似當年古來興廢皆如此徒使登臨一慨然

崑丘臺

訪古高臺半已傾春郊誰從綵旗行喜聞車馬人同樂慣聽笙歌鳥不驚

蒙谷

一徑崎嶇入谷中翠條紅刺罨春叢花深時有人相應竹密初疑路不通

內直奉寄聖俞博士

千門鑰一作鎖入斷人轂樓閣一作閣沉沉夜氣生獨直

偏知官漏永稍寒尤一作猶覺玉堂清霜雲映月鱗鱗

色風葉飛空撼撼鳴犬馬力疲思朱報坐驚時節已

崢嶸

送梅龍圖公儀知杭州

萬室東南富且號一作富繁羨君風力有餘閑漁樵人樂

江湖外上一作談笑詩成罇俎間日暖梨花催美酒天

寒桂子落空山郵筒不絕如飛翼一作雖然不莫惜

新篇屢往還一作應有新

送沈學士知常州康

舊館芸香鎖寂寥齋舫東下入秋濤江晴風暖旌旗

颺木落霜清鼓角高吟就綵牋賓已醉舞翻紅袖飲

方豪平生粗得為州樂因羨君行首重搔

聖俞在南省監印進士試卷有兀然獨坐之

歎因思去歲同在禮闈慨然有感兼簡子華

景仁

南宮官舍苦蕭條常憶羣居接僑寮古壁醉吟燈豔

豔畫廊愁聽雨蕭蕭殘春共約無虛擲一歲那知忽

復銷顧我心情又非昨祗思相伴老漁樵

奉答聖俞歲日書事

積雪照清晨東風冷着人年光向一作隨一作老速物意逐

時新貰酒閑邀客披裘共一作探春猶能自一作勉

彊顧我莫辭煩

夜聞春風有感奉寄同院子華紫微長文景

仁

閨後春深雪始銷東風凌鑿勢方豪陽生草木黃泉
動水破江湖白浪高未報國恩嗟病骨可憐身事一
漁舸少年自與芳菲競莫笑衰翁擁弊袍

病告中懷于華原父

狂來有意與春爭老去心情漸不能世味惟存詩淡
泊生涯半為病侵陵花明曉日繁如錦酒撥浮醅綠
似澗自是少年豪橫過而今癡鈍若寒蠅

奉酬長文舍人出城見示之句

素分臘雪未全銷凜冽春寒氣尚驕攝事初欣迎社

燕尋芳因得過溪橋清浮酒蟻醅初撥暖入鶯簧香
漸調興味愛君年尚少莫嫌齋禁齋一作館暫無慘

唐崇徽公主手痕和韓內翰

故鄉飛鳥尚啁啾何況悲笳出塞愁青塚埋魂知
返翠崖遺迹為誰留玉顏自古為身累肉食何人與
國謀行路至今空歎息巖花澗草自春秋

答和閣老劉舍人雨中見寄

花間鳥語愁泥滑屋上鳩鳴厭雨多坐見殘芳一作春
一如此可憐吾意已蹉跎蕭條兩鬢霜後草澗澗十
分金卷荷此物猶能慰衰老一作病稍晴相約屢相過

寄閣老劉舍人

夢寐江西未得歸誰憐蕭條鬢毛衰莓苔生壁圖書
室風雨閉門桃李時得酒誰能陪笑語老年其實厭
追隨明朝雨止花應在又踏春泥向鳳池

詳定幕次呈同舍

嘉祐四年御試進士時詳定卷子幕次在崇政殿後

來時官柳綠初勻坐見紅芳幾番新蜂蜜滿房花結
子還家何處覓殘春

禁中見鞞紅牡丹

洛中花之奇者也

盛遊西洛方年少晚落南譙號醉翁白首歸來玉堂
署一作君王殿後見鞞紅

和江鄰幾學士桃花

用其韻時在崇政殿後詳定幕次

草上紅多枝上稀芳條

一作

綠萼憶來時見桃着子

始歸後誰道仙花開落遲

送襄陵令李君

綠髮襄陵新長官面頰雖老渥如丹

君眼向首為鬢髮皆黑顏容如

少折腰聊為五斗屈把酒猶能一笑歡紅棗林繁欣

歲熟紫檀皮軟禦春寒民淳政簡居多樂無苦思歸

欲掛冠

景靈宮致齋

攝事衰年力不彊誰憐岑寂卧齋坊

一作青苔點點

無人迹綠葉陰陰覆砌涼玉宇清風來處遠仙家白
日靜中長却視九衢車馬客自然顏鬢易蒼蒼

夏享太廟攝事齋宮聞鶯寄原甫

四月田家麥穗稠桑枝生椹鳥啁啾鳳城綠樹知多
少何處飛來黃粟留田家謂麥熟時鳴者為黃粟留出詩義

送王平甫下第安國

歸袂搖搖心浩然曉船鳴鼓轉風灘朝廷失士有司
恥貧賤不移君子難執手聊須為醉酒一作別還家何
以慰親懽自慚知子不一作能薦白首胡為侍從官

對雪十韻

對雪無佳句端居正杜門人閑見初初一作落風定不
勝繁可喜輕明質都無剪刻痕鋪平失池沼飄急響
窻軒惜不搖嘉樹衝宜走盡棘寒欺白酒嫩暖一作
愛紫貂溫遠靄銷如洗愁雲晚更屯兒吟雛鳳語翁
坐凍鴟蹲病思驚殘歲朋懽賴酒一作樽稍晴春意
動誰與探名園

和武平學士歲晚禁直書懷五言二十韻韻具

多病淹殘歲初寒卧直廬朝廷務清靜鈴索少文書
嚮學今為盛優賢古莫如觀深嚴禁署一作閑宴樂
羣居賜馬聯金絡清塵侍玉輿討論三代盛獻納萬

機餘號令存寬大文章復古初笑談揮翰墨俄頃列
瓊瑤夜漏銷官燭春暉上玉除詩詩唐李杜言語澆
嚴徐自顧追時考多慙不鄙予無鹽煩刻畫寒谷傳
吹噓朋友飛雛鷺君臣在藻魚貪榮同衛鶴取笑類
黔驢皎皎心雖在蕭蕭髮已疎未知論報効安得遂
樵漁雲破西山出江橫盡閣虛餘生歎勞止搔首念
歸歟引綬誇民吏推牛會里閭一麾終得請此計豈
躊躇

答西京王尚書寄牡丹

新花來遠喜開封呼酒看花興未窮年少曾爲洛陽

客眼明重見魏家紅却思初赴青油幕自笑今爲白
髮翁西望無由陪勝賞但吟佳句想芳叢

應制賞花釣魚

絳闕晨霞一作光照霧開輕塵不動翠華來魚遊碧沼
涵靈德花馥清香薦壽杯夢聽鈞天鼓香默日長化
國景徘徊自慚擊壤音多野帝所賡歌亦許陪

清明賜新火

魚鑰侵晨放九門天街一騎走紅塵桐華應候催佳
節榆火推恩忝侍臣多病正愁錫粥冷清香但愛蠟
煙新自憐慣識金蓮燭翰苑曾經七見春

明堂慶成

辰火天文次臯門路寢閣奉親昭孝德惟帝饗精誠
禮以三年講時因萬物成九筵嚴太室六變導和聲
象魏中天起風雷大號行歡呼響山岳流澤浹根莖
寶墨飛雲動金文耀日晶從臣才力薄無以頌休明
羣玉殿賜宴 一本作謝上賜飛白書

至治臻無事豐年樂有成圖書開秘府宴飲 一作集
羣英論道皇墳與貽謀 一作寶訓明九重多暇豫八
體極研精筆力千鈞勁豪端萬象生飛戩金灑落拜
賜玉鏘鳴盛際崇儒學愚臣濫寵榮惟能同舞獸聞

樂職和聲

永昭陵院詞三首 仁宗

與子雖天意知人昔帝難一言謀早定九鼎勢先安
大舜仁由性成湯治以寬孤臣恩未報清血但沈瀾
干戈不用臻無事朝野多歡樂有年便坐看揮飛白
筆侍臣新和拍梁篇衣冠忽見截原廟蕭 一作鼓愁
聞向洛川寂寞秋風羣玉殿還同恍惚夢鈞天
行殿沉沉畫翼重淒涼恍輝出深宮攀號不悟龍胡
遠侍從猶穿豹尾中日薄山川長起霧天寒松栢自
生風斯民四十年涵煦耕鑿安知荷帝功

續作永昭陵祝詞五首

王者居尊本無外由來天下以為家六龍白日乘雲
去何用金錢買道車

昔霧霏霏著綠旗猶耕吉仗離山巖常時鳳輦行遊
是今日龍輶動哭隨

都人擾擾塞康莊西送靈車過苑牆金鼎藥成龍已
去人間惟有鼠施腸

素幕悠悠逗曉風行隨宸挽出深宮妃嬪莫向蒼梧
望雲覆昭陵洛水東

叨陪法從最多年慣聽梨園奏管絃從此無因瞻黼
坐惟應魂夢到鈞天

赴集禧宮祈雪追憶從先皇駕幸泫然有感
琳闕峩峩倚瑞煙憶陪遊豫入新年雲深曉日開宮
殿水闊春風颺管絃千騎清塵回輦路萬家明月放
燈天一朝人事淒涼改惟有靈光獨巋然

夜宿中書東閣

翰林平日接羣公文酒相歡慰病翁白首歸田徒
野有約黃菲論道愧無功攀髯路斷三山遠憂國心
危百箭攻今夜靜聽丹禁漏尚疑身在玉堂中

送王學士赴兩浙轉運涼本使送王勝之兩

漢家財利析秋毫，暫屈清才豈足勞。
邑屋連雲盈萬井，舳艫銜尾列千艘。
春寒欲盡黃梅雨，海浪高翻白鷺濤。
平昔壯心今在否，江山猶得助詩豪。

早朝

閭闔初開瑞霧中，丹霞曉日上蒼龍。
鳴鞭響徹廊千步，佩玉聲趨戟百重。
雪後朝寒猶凜冽，柳梢春意已丰茸。
少年自結芳菲侶，老病惟添睡思濃。

下直

宮柳街槐綠未齊，春陰不解宿雲低。
輕寒漠漠侵駝褐，小雨班班作燕泥。
報國無功嗟已老，歸田有約

計一何稽終當自駕柴車去，獨結茅廬賴水西。

齋宮尚有殘雪思，作學士時攝事于此嘗有
聞鶯詩寄原父因而有感四首

雪壓枯心脉未抽，春寒慘慄作春愁。
却思綠葉青陰下，來此山間黃栗留。

老來何與青春事，開處方知白日長。
自恨乞身今未得，齒牙浮動鬢蒼浪。

兩京平日接英髦，不獨詩豪酒亦豪。
休把青銅照雙鬢，君謨今已白刁騷。

詩篇自覺隨年老，酒力猶能助氣豪。
與味不衰惟此

爾其餘萬事一牛毛

攝事齋宮偶書 一作齋夕感事

齋宮岑寂馮偷閑猶覺閑中興未闌美酒清香銷晝景冷風殘雪作春寒丹心未死惟憂國白髮盈簪玉掛冠誰為寄數清頻客此生終不負漁竿

早朝感事

踈星牢落曉光微殘月蒼龍闕角西玉勒爭門隨犬入牙脾當殿報班齋羽儀雖接鴛兼鷺野性終存鹿與麇天殺汝陰常處士 墨蹟作雲林高卧客 十年騎馬聽朝音潮雞

集禧謝雨

十里長街五鼓催泥深雨急馬行遲卧聽竹屋蕭蕭響却憶滁州睡足時

下直呈同行三公

午漏敲初轉歸鞍路偶同天清黃道日街闊綠槐風萬國舟車會中天象魏雄戢戈清四海論道屬三公自愧陪羣彥從來但撲忠時平容竊祿歲晚歎衰翁買地淮山北垂竿潁水東稻梁雖可戀吾志在冥鴻

東閣雨中

直閣時偷暇幽懷坐獨哦綠苔人迹少黃葉雨聲多

雲結愁陰重風傳禁漏過瑤圖新嗣聖玉塞久包戈
相府文書簡豐年氣候和還將鳳池句聊雜野人歌

四月十七日景靈宮奉迎仁宗皇帝御容有感

感

行殿峩峩出綠槐琳房芝闕聳竦一作崔嵬管絃飄落
人間去幢節疑從天上來基業百年傳聖子黔黎四
紀樂春臺孤臣不得同鍼虎未死心先冷若灰
居士集卷第十三

熙寧五年秋七月男發等編定

紹熙二年三月郡人孫謙益校正

兼簡子華景仁

相伴一作相逐

奉酬長文出城

鶯篁

篁一作簧

莫嫌

一作莫懷

無慘

慘一作慘

寄劉舍人笑語

一作語笑

和江鄰幾桃花

歸後

一作去

景靈宮致齋

石本序云某啓景靈致齋書事奉懷審官
糾察太學史院五君子代惟來覽其上

和武平禁直書懷

躊躇

一作踟

早朝感事

麝石本作麋

居士集卷第十四

歐陽文忠公集十四

律詩六十五首

馬上默誦聖俞詩有感 一作偶題

興來筆力千鈞勁 一作酒醒 一作醉後 人間萬事空蘇梅

二子今亡矣索寞滁山一醉 一作憫 一作病 翁

定力院七葉木

伊洛多佳木娑羅舊得名常於佛家見宜在月宮生
鈎砌陰鋪靜虛堂子落敲夜風疑雨過朝露炫霞明
車馬王都盛樓臺梵宇閑惟應靜者樂時聽野禽喧

秋陰

秋陰積不散夜氣凜初清
雨冷侵燈暈風愁送葉聲
國恩慙未報歲晚念餘生
却憶滁州睡村醪自解醒

秋懷

節物豈不好秋懷何黯然
西風酒旗市細雨菊花天
感事悲雙鬢包羞一作食萬錢
鹿車終自駕歸去頰
東田

初寒

多病淹殘歲初寒悄獨吟
雲容乍濃淡秋色半晴陰
籬菊催佳節山泉響夜琴
自能知此樂何必戀腰金

寄渭州王仲儀龍圖

一作送王素之渭州

羨君三作臨邊守慣聽胡笳
不慘然弓勁秋風鳴白
角帳寒春雪厚青氍威行
四境烽煙斷響入千山號
令傳翠幕紅燈照羅綺心
情何似十年前

崇政殿試賢良晚歸

槐柳依依禁籞長初寒入
意自婁涼鳳城斜日留殘
照玉闕浮雲結夜霜老負
漁竿貪國寵病須樽酒送
年光歸來解帶西風冷衣
袖猶霑玉案香

聞潁州通判國博與知郡學士唱和頗多因

以奉寄知郡陸經通判楊褒

一自蘇梅閉九泉始聞東潁播新篇
金樽留客史作

使君醉玉塵高談別乘賢十里秋風紅齒齒一溪春
水碧漪漣政成事簡何爲樂終日吟哦雜管絃

南郊慶成

祀教民昭孝天惟德是親太宮嚴大饗吉土兆精禋
禮樂三王盛梯航萬國賓恩霑羣動洽慶與一陽新
奉冊尊長樂均釐及衆臣不須雲物瑞和氣浹人神

和昭文相公上巳宴

一雨初消九陌塵乘蘭修禊及芳辰思深始錫龍池
宴節正須方一作知鳳曆新是歲始頒明天新紅琥珀
傳盃漱豔碧琉璃瑩水漪淪上林未放花齊發留待

鳴鞘出紫宸

三日赴宴口占

賜飲初逢楔節佳昆池新漲碧無涯九門寒食多遊
騎三月春陰正養花共喜流觴修故事自憐雙鬢惜
年華鳳城殘照歸鞍晚禁藥無風柳自斜

讀楊蟠章安

詩一本有集

蘇梅久作黃泉客我亦今爲白髮翁卧讀楊蟠一千
首乞渠秋月與春風

蘇主簿挽歌

布衣馳譽入京都丹旆俄驚聞一作反舊問諸老誰能

先賢誼君王猶未識相如三年弟子行喪禮十兩鄉人會葬車我獨一作我空齋掛塵榻遺編時閱子雲書

寄題沙溪寄錫碑本院

為愛江西物物佳作詩嘗向北人誇青林霜日換

深楓葉白水秋風吹稻花釀酒烹雞留醉客鳴機織

星躡作編芎編山家野僧獨得無生樂終日焚香坐結跏

宋司空一作元憲公挽辭

文章天下無雙譽伯仲人間第一流出入兩朝推舊

德周旋三事著嘉謀從容進退身名泰寵錫哀一作哀

榮禮數優崇一作從從來敦友愛九原相望接松楸

感事 治平丁未正月二十有六日

故園三徑久成荒賢路胡為此坐妨病骨瘦便花藥

暖嘉祐八年于闐國王遣使來朝貢恩賜宰臣已下

不減馳煩心渴喜鳳團香先朝舊例兩府輔臣歲賜

朝作學士兼史館修撰嘗以史院無國史乞降一本

以備檢討遂命天章閣錄本付院仁宗因幸天章見

書吏方錄國史思余上言玉命賜黃封酒一瓶果于

寫國史不易遂有此賜然月一號弓但灑孤臣

血憂國空餘兩鬢霜何日君恩憫衰朽許從初服返

耕桑 大行皇帝靈駕發引挽歌辭

享國年雖近斯民澤已深
儉勤成禹聖仁孝本虞心
方慶逢千載俄驚過八音
天愁嵩嶺外雲慘洛川深
仗動千官衛神行萬象陰
孤臣恩未報清血但盈襟

其一

文景孜孜儉與恭慨然思就太平功
興隆學校皇家盛放斥嬪嬙永巷空
威懾一作黜羗方問罪丹成仙鼎忽遺弓
霜清日薄簫笳咽萬國悲號慘澹中

其二

千齡應運叶天人四海欣政日新
忽見九門陳羽衛猶疑五載欲時
巡胤稜月暗翔金鳳輦道霜清卧

石麟白首舊臣瞻畫髮秋風淚灑屬車塵

其三

奉答子履學士見贈之作

誰言潁水似瀟湘一笑相逢樂未央
歲晚君尤耐霜雪興闌吾欲返耕桑
銅槽旋壓清樽美玉塵閑揮白口
長檠約詩一作筒屢來往兩州雞犬接封疆

送道州張職方

桂籍青衫憶共遊憐君華髮始為州
身行南鴈不到處山與北人相對愁
莫為高才輕遠俗當令遺老識賢侯
三年解組來歸日吾已先耕潁水頭

再至汝陰三絕

黃栗留鳴桑椹美紫櫻桃熟麥風涼朱輪昔愧無遺
愛白首重來似故鄉

十載榮華貪國寵一生憂慮損天真
晚新向君前乞得身

水味甘於大明井魚肥恰似新開湖
竊此時才得少踟躕

余特將赴亳社思許枉道過颍也

郡齋書事寄子履

使君居處似山中吏散焚香一室空
昨夜涼簷捲起天風白醪酒嫩迎秋熟
紅棗林繁喜

歲豐寄語瀛洲未歸客醉翁今已作僊翁

答子履學士見寄

穎毫相望樂未央吾州仍得治仙鄉
熟身在壺中白日長每恨老年才已盡
難當知君欲別西湖去乞我橋南菡萏香

寄棗人行書贈子履學士

秋來紅棗壓枝繁堆向君家白玉盤
實磊落韓嫣黃金丸聊効詩人投木李
琅玕嗟予久苦相如渴却憶冰梨慰齒寒

贈隱者

五岳嵩當天地中間君仍在最高峰山麓六月陰崖
雪潭養千年蛻骨龍物外自應多至樂人間何事忽
相逢飲罷飄然不辭火孤雲飛去杳無蹤

戲書示黎教授

古郡誰云毫陋邦我來仍值歲豐穰烏銜菓實園林
熟一作一本蜂採檜花村落香世治人方安壠畝興闡吾
欲反耕桑若無潁水肥魚蟹終老仙鄉作醉鄉

書懷

一作忍潁寄常處士

齒牙零落鬢毛疎潁水多年已結廬解組便為閑處
士新花莫笑病尚書青衫仕至千鍾祿白首歸乘一

鹿車况幸

一作

有西鄰隱君子輕蓑短袂一作披笠伴春

鋤

常夷甫也

潁河龍潭

碧潭風定影涵虛神物中藏岸不枯一夜四郊春雨
足却來閑卧養明珠

遊太清宮出城馬上口占

擁旆西城一據鞍耕夫初識勸農官鳴日出林光
動野闊風搖麥浪寒漸暖綠楊纔弄色得晴丹杏不
勝繁牛羊雞犬田家樂終日思歸盍掛冠

太清宮燒香

清晨琳闕聳嶺屹珥節齋坊暫整冠玉案拜時香裊
裊畫廊行處佩珊珊壇場夜雨蒼苔古樓殿春風碧
瓦寒我是蓬萊宮學士朝真便合列仙官

謝提刑張郎中寄筇竹拄杖

玉光瑩潤錦爛斑霜雪經多節愈堅珍重故人相贈
意扶持衰病過殘年

七言二首答黎教授

撥甕浮醅新釀熟得霜寒菊始開齊養丹道士顏如
玉愛酒山翁醉似泥不惜藥從蜂採去尚餘香有蝶
來棲莫嫌學舍官閑冷猶得芳樽此共携

共坐攔邊日欲斜更將金藥泛流霞欲知却老延齡
藥百草枯時始見花

又寄許道人

綠髮方一作青瞳瘦骨輕飄然乘鶴去吹笙郡齋獨坐
風生竹疑是孫登長孺叢

扶溝知縣周職方錄示白鶴宮蘇才翁于美
贈黃道士詩并感作三絕見索拙句輒爲四

韻奉酬

能棋好飲一道士醉墨狂吟二謫仙道士不聞乘白
鶴謫仙今已揜黃泉古來豪傑皆如此誰拂塵埃爲

惘然華髮郎官才調美更將新句續遺篇

曉發齊州道中二首後一首五言

東州幾日倦征軒千騎駉驪白草原鴈入寒雲驚曉

角雞鳴蒼海一作海谷朝暎國恩未報身先老客思無慘

一作歲已昏誰得平時為郡樂自憐消渴馬文園

歲晚勞征役一作晚歲三齋舊富閑人行桑下路日

上一作海邊山軒冕非吾志風霜犯客顏惟應思穎

夢先過穆陵關

表海亭

望海亭亭古堞間獨憑危檻俯人寰苦寒冰合分作

雙流水

南洋北洋河也一在城外一在城內欲雪雲垂四面山州城四面皆山

唯此亭高盡見之解肉已消嗟病骨凍醪猶可慰愁

顏穎田二頃春蕪沒安得柴車自駕還

歲晚書事

一麾新命古三齊白首滄州願已違軒冕從來為外

物山川信美獨思歸長天極目無飛鳥積雪生光射

落暉臘候已窮春欲動勸耕猶得覽郊圻

謁廟馬上有感

旌旆曉悠悠行驚歲已道霜雲依日薄野水帶冰流

富庶齊三服山川禹九州自憐思穎意無異旅人愁

述場看山

爲愛南山紫翠峰偶來仍值雪初融
自嫌前引朱衣吏不稱閑行白髮翁
向老光陰雙轉轂此身天地一飄蓬
何時粗報君恩了去逐冥冥物外鴻

殘臘

一作雪

臘雪初銷融一作上古臺桑郊向日綵旗開
山橫南陌城中見春逐東風海上來
老去每驚新歲換病多能使壯心摧
自嗟空有東陽瘦覽物慙無八詠才

歲暮書事

東州負海圻風物老依依歲熟鴟鵂樂
天寒鴈過稀

跨鞍驚髀骨數帶減腰圍却羨常夫子終年獨掩扉
聞沂州盧侍郎致仕有感

少年相與探花開老病惟愁節物催
蹉跎歸計荒三徑牢落生涯泥一栝
穎上先生招不起沂州太守亦歸來
自媿國恩終莫報尚貪榮祿此徘徊

春晴書事

莫笑青州太守頑三齊人物舊安閑
晴明風日家家柳高下樓臺處處山
嘉客但當傾美酒青春終不換顏顏
惟慙未報君恩了昨日盧公衣錦還

遊石子澗

富相公創亭

截薛高亭古澗隈偶携佳客共此一作徘徊席間風起
聞天籟雨後山光入酒杯一作朝霞
斷崖春壑響花藏深崦過春開一作新雨亂泉逢
磨麤一作禽鳥莫驚顧太守不將車騎來

讀易

莫嫌白髮擁朱輪恩許東州養病臣飲酒橫琴銷永
日焚香讀易過殘春昔賢軒冕如遺屣世路風波偶
脫身寄語西家隱君子奈何名姓已驚人

水磨亭子

多病山齋默鬱蒸經時久不到東城新荷出水雙飛

鷺喬木成陰百轉鶯載酒未妨佳客醉憑高仍見老
農耕史君自有林泉趣不用絲篁亂水榭

寄題相州榮歸堂

一本此篇已下條刪
答安陽韓侍中五條

白首三朝杜稷臣壺漿交道擁如雲金貂爭看真丞
相竹馬猶迎舊使君豈止軒裳誇故里已將鐘鼎勅
元勳不須授簡樽前客好學平津自有文

書錦堂

昔憇甘棠長舊園重來城郭歎人非隨車仍是為霖
雨被袞何如衣錦歸公前出自西廡以武康之節鎮相

觀魚軒

當年下澤驅羸馬今見犀兵擁碧油位望愈隆心愈
靜每來臨水翫游鯈

押鷗亭

險夷一節如金石勲德俱高映古今豈止忘機鷗鳥
信陶鈞萬物本無心

休逸臺

清談終日對清樽不似崇高富貴身已有山川資勝
賞更將風月醉嘉賓

青州書事

年豐千里無夜警吏一作公退一室焚清香青春固非

老者事白日自爲閑人長祿厚豈惟慙飽食俸餘仍
足得一作買輕裝君思天地不違物歸去行歌潁水傍

留題南樓二絕

一本前一首題作偶書

偷得青州一歲閑四時一作案頭終日面孱顏須知我是

愛山者無一詩中不說山

醉翁到處不曾醒問向青州作麼生公退留賓誇酒
美睡餘欹枕看山橫

荅和王宣徽

一作荅王宣徽見贈

相逢莫恠我瞠然出處參差四紀間有道方令萬物
遂無能擬乞一身閑花前獨酌樽前月淮上扁舟枕

上山此樂想公應未暇且持金盞醉紅顏

答和呂侍讀

昔日題輿媿屈賢今來還見擁朱轡笑談二紀思如
昨名望三朝老更尊野徑冷香黃菊秀平湖斜照白
鷗翻此中自有忘言趣病客猶堪奉一樽

奉答子履學士見寄之作

憶昨初爲亳守行暫休車騎汝陰城喜君再共樽俎
樂憐我久懷丘壑情累牘已嘗陳素志新春應許遂
歸耕老年雖不堪東作猶得酣歌詠太平

謝景平挽詞

憶見竒童髡兩髦遽驚名譽衆推高東山子弟家風
在西漢文章筆力豪方看凌雲馳騾驥已嗟埋玉向
蓬蒿追思陽夏曾遊處撫事傷心涕滿袍

答資政邵諫議二首

豪橫當年氣吐虹蕭條晚節鬢如蓬欲知潁水新居
士即是滁山舊醉翁所樂藩籬追尺_{一作}鷄敢言寒
廓遂寘鴻期公歸輔巖廊上顧我無忘畎畝中

欲知歸計久遷延三十篇詩二十年受寵不思身報
効乞骸惟冀上哀憐相如舊苦中瘠渴陶令猶能
醉眠材薄力殫難勉強豈同高士愛林泉

居士集卷第十四

熙寧五年秋七月男發等編定

紹熙二年三月郡人孫謙益校正

寄題沙溪寶積院寶積去沙溪十五里詩刻猶在
而諸本皆作寶錫今兩存之

永厚陵挽歌辭前有引狀朝佐攷公家定本如謝
賜飛白詩引狀皆載別卷今編入外集第五卷此
不重出

怒本惟亭亭作高
亭餘並同正文

賴州言和東賴一作西賴何為樂一作還多暇

靈駕發引挽歌辭黠羌一作我羌

郡齋書事秋熟一作秋色

書懷春鋤一作春鋤

表海亭一作高亭



居士集卷第十五

歐陽文忠公集十五

賦五首 雜文五首附

黃楊樹子賦 并序

夷陵山谷間多黃楊樹子江行過絕險處時時從舟
中望見之鬱鬱山際有可愛之色獨念此樹生窮僻
不見依君子封殖備愛賞而樵夫野老又又無不知
甚惜作小賦以歌之

若夫漢武之宮叢生五柞景陽之井對植雙桐高秋
羽獵之騎半夜嚴粧之鍾鳳蓋朝拂銀牀暮空固已
葳蕤近日的爍一作爍含風婆娑萬戶之側生長深宮

之中豈知綠蘚青苔蒼崖翠壁枝葉鬱以含霧露一作
根屈盤而帶石落落非松亭亭似堦上臨千仞之盤
薄下有驚湍之瀆激澗斷無路林高暝色偏依最險
之處獨立無人之跡江已一作轉而猶見峯漸回而
稍隔嗟乎日薄雲昏煙霏一作露滴負勁節以誰賞
抱孤心而誰識徒以竇穴風吹陰崖雪積唳山鳥之
朝啗梟驚猿之寂歷無遊女兮長攀有行人兮暫息
節既晚而愈茂歲已寒而不易乃知張騫一見須移
海上之根陸凱如逢堪寄隴頭之客

鳴蟬賦

并序

嘉祐元年夏大雨水奉詔祈晴于醴泉宮聞鳴蟬有感而賦云

肅祠庭以祗事兮瞻玉宇之崢嶸收視聽以清慮兮

齋予心以薦誠因一作以靜而求一作動兮見乎萬

物之情於時朝雨驟止微風不興四無雲以青天雷

曳曳一作其餘殼乃席芳葍臨華軒古木數株空一作

荒庭草間爰有一物鳴于樹顛引清風以長嘯抱纖

柯而永歎嘒嘒非管泠泠若絃裂方號而復咽淒欲

斷而還連吐孤韻以難律含五音之自然吾不知其

何物其名曰蟬豈非因物造形能變化者邪出自糞

壤慕清虛者邪凌風高飛知所止者邪嘉木茂樹喜
清陰者邪呼吸風露能尸解者邪綽約雙鬢修嬋娟
者邪其為穀也不樂不衰非宮非徵胡然而鳴亦胡
然而止吾嘗悲夫萬物莫不好鳴若乃四時代謝百
鳥嚶兮一氣候至百蟲驚兮嬌兒姹女語鸚鵡兮鳴
機絡緯響蟋蟀兮轉喉哢舌誠可愛兮引腹動股豈
勉彊而為之兮至於汚池濁水得雨而聒兮飲泉食
土長良字無夜而歌兮彼蝦蟇固若有欲而蚯蚓又何
求兮其餘大小萬狀不可悉名各有氣類隨其物形
一有不知自止有若爭能忽時變以物改感漠然而

無聲嗚呼達士所齊萬物一類人於其間所以為貴
蓋已巧其語言又能傳於文字是以窮彼思慮耗其
血氣或吟我其窮愁或發揚其志意雖共盡於萬物
乃長鳴於百世子亦安知其然哉聊為樂以自喜方
將一作考得失較同異俄而陰雲復興雷電俱擊大
雨既作蟬聲遂息賦一本賦後有跋云子因學書起作
草他兒一視而過獨小子兼守
之不去此兒他日必能
為吾此賦也因以予之

秋聲賦

歐陽子方一無方字墨蹟止夜讀書聞有聲自西南
來者悚然而聽之曰異哉初淅瀝以蕭颯忽奔騰而

砢碎如波濤夜驚風雨驟一作風雨至其觸於於字無物也
也縱鏗錚錚金鐵皆鳴又如赴敵之兵銜枚疾走不聞號令但聞人馬之行聲墨蹟無余謂童子此何聲也
也汝出視之童子曰星月一作星月皎潔明河在天四無人
聲聲在樹間余曰噫嘻悲哉一作夫此秋聲也胡為而來哉
蓋夫秋之為狀也其色滲淡煙霏雲歛其容清明天高日晶
其氣慄冽砭人肌骨其意蕭條山川寂寥故其為聲也淒淒
切切呼號憤發豐草綠縹而爭茂佳木葱蘢而可悅草拂之
而色變木遭之而葉脫其所以摧敗零落者墨蹟無乃其一一無氣之餘

烈夫秋刑官也於時為陰又兵象也於行用金是謂天地之義氣常以肅殺而為心墨蹟有天之於物春生秋實故其在樂也商聲主西方之音夷則為七月之律商傷也物既老而悲傷夷戮也物過盛而當殺嗟乎草木之一字有無情有時而字有飄零人為動物惟物之靈一作人惟百憂感其心萬事勞其形有動于中必搖其精而況思其力之所不能一字有及憂其智之所不能一字有宜其渥然丹者為槁木黝一本作黝然黑者為星星奈何以一字無非金石之質一字有欲與草木而爭榮念誰為之戕賊亦何恨乎秋聲童子莫對

垂頭而睡但聞四壁蟲聲唧唧如一作助余之歎息

病暑賦和劉原文作

吾將東走乎泰山兮履崔嵬之高峯
陰白雲之搖曳兮聽石溜之玲瓏
松林一作仰不見白日陰壑慘慘
多悲風邈哉不可以坐致兮安得仙人之術
解化如飛蓬言將西登乎崑崙兮出於九州之外
覽星辰之浮沒視日月之隱蔽披閭闔之清風
飲黃流一作巨派羽翰不可以挿余之兩腋
兮畏舉身而下墜既欲泛乎南溟兮瘴毒流膏
而鍊骨何異避喧之一作趨市兮又如惡影之就日
又欲臨乎北荒兮飛雪層

冰之所聚鬼方窮髮一作無人迹兮乃龍蛇之雜處
四方上下皆不得以徃兮顧此大熱吾不知夫所逃
萬物並生於天地豈余身之獨遭任寒暑之自然兮
成歲功而不勞惟衰病之不堪兮譬燎枯而灼萑矧
空廬之湫卑兮甚龜蝸之跼縮飛蚊幸余之露坐兮
壁蝸俟余之入屋一作蝸蚊幸余之虛坐賴有客之
哀余兮贈端石與斲竹得飽食以安一作寢兮瑩枕
冰而葦玉知其無可奈何而安之兮乃聖賢之高躅
惟冥心以息慮兮庶可忘於煩酷

憎蒼蠅賦

蒼蠅蒼蠅吾嗟爾之爲生既無蜂蠆之毒尾又無蚊
蚋之利嘴幸不爲人之畏胡不爲人之喜爾形至眇
爾欲易盈杯盃盃殘瀝砒几餘腥所希杪忽過則難勝
苦何求而不足乃終日而營營逐氣尋香無處不到
頃刻而集誰相告報其在物也雖微其爲害也至要
若乃華棖廣廈珍簾方牀炎風之燠夏日之長神昏
氣感流汗成漿委四支而莫舉眊兩目其茫洋惟高
枕之一覺冀煩歎之暫忘念於爾而何負乃於吾而
見殃尋頭撲面入衲穿裳或集眉端或沁眼眶目欲
瞑而復警臂已痺而猶撲於此之時孔子何由見周

公於髣髴莊生安得只蝴蝶而飛揚徒使蒼頭丫髻
巨扇揮颺咸頭垂而腕脫每立寐而顛僵此其爲害
者一也又如峻宇高堂嘉賓上客沽酒市脯鋪筵設
席聊娛一日之餘閑奈爾衆多之莫敵或集器皿或
屯几格或醉醇酎因之沒溺或投熱羹遂喪其魄諒
雖死而不悔亦可戒夫貪得尤忌赤頭號爲景迹一
有露汗人皆不食奈何引類呼朋搖頭鼓翼聚散倏
忽往來絡繹方其賓主獻酬衣冠嚴飾使吾揮手頓
足改容失色於此之時王衍何暇於清談賈誼堪爲
之太息此其爲害者二也又如醯醢之品醬醢之制

及時月而收藏謹耕罌之固濟乃衆力以攻鑽極百
端而窺覲至於大越肥牲嘉肴美味蓋藏稍露於罅
隙守者或時而假寤纔稍怠於防嚴已輒遺其種類
莫不養息蕃滋淋漓敗壞使親朋卒至索爾以無歡
臧獲懷憂因之而得罪此其爲害者三也是皆大者
餘悉難名嗚呼止棘之詩垂之六經於此見詩人之
博物比興之爲精宜乎以爾刺讒人之亂國誠可嫉
而可憎

雜文五首

醉翁吟 并序 一作醉翁述

余作醉翁亭于滁州 一作醉翁亭自 太常博士沈遵有
者好竒之士也聞而作 一作嘗 往遊焉愛其山水歸而以
琴寫之作醉翁吟三疊 秋字無 去年秋 秋字無 余奉使契丹沈
君 一作會余有於字 恩冀之間夜闌酒半 四字無此
援琴而作之有其韻而無其辭乃爲之辭以贈 遺一作
之其辭曰

始翁之來 一作翁 獸見而深伏鳥見而高飛翁醒而

往兮醉而歸朝醒暮醉兮無有四時鳥鳴樂其林獸

出遊其蹊咿嚶啁啾於翁前兮醉 字 不知有心不

能以無情兮有合必有離水潺潺兮翁忽去而不顧

山岑岑兮翁復來而幾時風嫋嫋兮山木落春年年
兮山草菲嗟我無德於其人方有情於山禽與野麋
賢子沈子兮能寫我心而慰彼相思

。山中之樂并序一本題下云三章送慧勤上

佛者慧勤餘杭人也少去父母長無妻子以衣食于
佛之徒往來京師二十年其人聰明材智亦嘗學問
于賢士大夫今其南歸遂將窮極吳越甌閩江湖海
上之諸山以肆其所適予嘉其嘗有聞於吾人也於
其行也一本無為作山中之樂三章一本有以極道
山林間事以動蕩其心意而卒反之於正其辭曰

江上山兮海上峯鵠青蒼兮杳嶺叢霞飛霧散兮遊
乎青空天鏡鬼削兮壁立於鴻蒙崖懸磴絕兮險且
窮穿雲渡水兮一無忽得路而不知其深之幾重中
有平田廣谷兮與世隔絕猶有太古之遺風泉甘土
肥兮鳥獸雖離其人麋鹿兮既壽而豐不知人間之
幾時兮但見草木華落為春冬嗟世之人兮曷不歸
來乎山中山中之樂不可見今子其往兮誰逢其丹
莖翠蔓兮巖壑玲瓏水聲聒聒兮花氣濛濛石巉巖
兮橫一作路風颯颯兮吹松雲冥冥兮雨霏霏白猿
夜嘯兮青楓朝日出兮林間澗谷紛以青紅千林靜

兮秋月百草香兮春風嗟世之人兮曷不歸來乎山
中山中之樂不可得今子其往兮誰從其二梯崖構險
兮佛廟仙宮耀空山兮鬱穹隆彼之人兮固一固無亦
目明而耳聰寵辱不干其慮兮仁義不被其躬蔭長
一作喬松之蒨蔚兮藉纖草之半茸苟其中以自足兮
忘其服胡而顛童自古智能魁傑之士兮固亦絕世
而逃蹤惜天材之甚良兮而一無而自棄於無庸嗟彼
之人兮胡為老乎山中山中之樂不可久遲子之返
兮誰同其三

雜說三首 一有并序二字

夏六月暑雨既止歐陽子坐於樹間仰見天與月星
一作月一作星辰行度見星有殞者夜既久露下聞草間蚯蚓
之聲益急其感于耳目者有動乎其中作雜說
蚓食土而飲泉其為生也簡而易足然仰其穴而鳴
若號若呼若嘯若歌一作歌若駢其亦有所求耶抑其求
易足而自鳴其樂邪苦一作抑其其生之陋而自悲其不
幸邪將自喜其轂而鳴其類邪豈其時至氣作不自
知其所以然而不能自止者邪何其聒然而不止也
吾於是乎有感一本比屬次篇
星殞于地腥礦頑醜化為惡石其昭然在上而萬物

仰之者精氣之聚爾及其斃也瓦礫之不若也人之
死骨肉臭腐螻蟻之食爾其貴乎萬物者亦精氣也
其精氣不奪于物則蘊而為思慮發而為事業著而
為文章昭乎百世之上而仰乎百世之下非如星之
精氣隨其斃而滅也可不貴哉而生也利欲以昏耗
之死也臭腐而棄之而一無惑者方曰足乎利慾所
所字以厚吾身吾於是乎有感

天西行日月五星皆東行日一歲而一周月疾於日
一本无一月而一周天又疾於月一日而一周星有
三字遲有速有逆有順是四者各自行而若不相為謀其

動而不勞運而不已自古以來未嘗一刻息也是何
為哉夫四者所以相須而成晝夜四時寒暑者也一
刻而息則四時不得其平萬物不得其生蓋其所任
者重矣人之有君子也其任亦重矣萬世之所治萬
物之所利故曰自彊不息又曰死而後已者其知所
任矣然則君子之學也其可一日而息乎吾於是乎

有感一本无
屬有篇

熙寧五年秋七月男發等編定

紹熙二年三月郡人孫謙益校正

黃楊樹子賦多黃楊樹子
子無潰激潰當

鳴蟬賦嶢嶢
石本嶢作嶢

病暑賦又如
一作空廬
一作室廬

憎蒼蠅賦丫髻
一作丫髮

醉翁吟序作醉翁吟
一作為

雜說第三任矣
此下學也此上

